

重刊道藏輯要

漸悟集

崑崙山馬丹鈺撰

賀聖朝

贈王司公

祥煙瑞氣常敷布便覺心歸素世人為處我無為更無思無慮
絳房姹女嬰兒聚慧日看烏兔斡旋離坎兩交宮這些兒誰

悟

衣裝紙襖并麻布固巨初元素風前月下撫心琴並無些塵慮
雲朋霞友常相聚看飛鳥走兔玉中養就紫金丹這些兒誰

道藏輯要

漸悟集

壹

胃集七

悟

卜算子

出家入道

扶風全道名通一道號無憂見畫骷髏猛烈收心事事休
四旬有六霜侵鬢拂袖雲遊休要剛留譬似無常限到頭
行屍走骨貪名利分定剛圖不念身軀皮與骷髏作殯居
勸人割斷攀緣索跳出紅爐整頓元初有箇山侗著力扶
山侗捨俗投玄趣結正良因深謝師真便做逍遙自在人
我今誓不東歸去死在西秦骸骨雖塵不與兒孫葬海濱
重陽師父百端誘化予終有攀緣愛念忽一夜夢立於中

庭自歎曰我性命有如一隻網磁椀失手百碎言未訖從
空椀墜驚哭覺來師翌日乃曰汝昨晚驚懼纔方省悟
呂公大悟黃梁夢捨棄華軒返本還源出自鍾離作大仙 山
洞猛悟細磁夢割斷攀緣鍊汞烹鉛出自風仙性月圓
內容未顯名先顯事可傷悲壞道根基失了元初更怨誰 尋
思懵懂勝伶俐做箇憨癡無作無爲綴甚閑詞寫甚詩

誓死赤腳夏不飲水冬不向火

我今誓死環墻內夏絕涼泉冬鄙紅煙認正丹爐水火緣 師
恩欲報勤修養鍊汞烹鉛行滿功圓做箇蓬瀛赤腳仙

探春令

道藏輯要

漸悟集

二

胃集七

贈王知玄

洞天幾陣清清雨遙指瓊林堪覩一條玉杖隨行探得性內金
蓮吐 嬰嬌姹女來相聚更有真龍虎自然顯出祥光覆載一
箇靈明主

惜芳時

贈李官人

伊子癸卯同生世不覺流年五十二我先入道搜玄理自然不
敢相遺你 無分晝夜常留意詩曲謾書千幅紙勸公早把家
緣棄免交失腳黃泉底

贈無欲盧守慈